

DEVOTI
INSTITUTI
CANONICA

3 0 4

K96

D48

V. 3

c. 1


135919

260





6#56#107



1080042743

260



JOANNIS DÆVOTI,
DEI ET APOSTOLICÆ SEDIS GRATIA

EPISCOPI ANANIENSIS,

INSTITUTIONUM
CANONICARUM.

LIBRI IV.

TOMUS TERTIUS. 75.

EDITIO NOVA, ETIAM IPSIS ROMANIS EDITIONIBUS
REVERA CORRECTIOR, ATQUE EMENDATOR.



MATRITI: MDCCCL

EX CUDEBAT RAYMUNDUS RUIZ

Superiorum Facultate.

Se hallará en las Librerías de Fernandez, frente
San Felipe el Real, y de Calleja, calle
de Majaderitos.

13281

38199

K96
D48
V.3

Quid adhuc quæris exāmen , quod apud Sedem
Apostolicam factum est ? S. AUGUSTINUS Oper.
imperf. contra Julianum lib. 2. opp. t. 10. col. 993.
ed. Maurin. Venet. 1733.



FONDO BIBLIOTECA PUBLICA
DEL ESTADO DE NUEVO LEÓN

135919

PIO SEXTO,

P. O. M.

JOANNES EPISCOPUS ANANIENSIS,
FELICITATEM.

Magna , ac singularis est , quod Tu plane nosti,
PIE PONTIFEX OPTIME MAXIME , Canonici Juris
præstantia , non solum in regulis , que honesta im-
perant , prohibentque contraria , sed etiam in ordine ,
& ratione judiciorum , in quibus jus suum uni-
cuique redditur . Cum enim Jus civile sæpe misera ,
attenuataque diligentia , sæpe inanitate verborum , &
formularum , aut longa , implexaque methodo spino-
siora peperisset , laqueisque pene inextricabilibus
litigantes irretisset , Jus Canonicum , omnibus am-
putatis tricis , & ambagibus , iisque patefactis ,
& illustratis , quæ involuta , obscuraque erant , ju-
diciorum methodum dedit aptam , concinnam , so-
briam , cui nihil deesset , neque aliquid redundaret ,
quod esset ad hominum usum , communemque intelli-
gentiam accommodatum . Quo factum est , ut jam ant-
iquata methodo judiciorum , quam Jus civile pro-
posuerat , ubique fere invaluerit ratio illa judiciorum
a Jure Canonicō constituta ; quod sane fecerunt non
tantum ii , qui cum tua hac veritatis Cathedra co-
barent , sed etiam qui ab ea disjuncti , ac disso-
ciati sunt .

Hanc ego partem Juris Canonici, quæ ad iudicia pertinet, complexus sum tertio hoc Institutionum libro, qui nunc iterum in amplissimo tuo nomine divulgatur. Nam tibi primum, tibi item alterum obtuli earumdem Institutionum librum, nunc tertium offero; deinceps offeram & quartum (vide quo progrediar tua fretus humanitate, ac facilitate animi incredibili, planeque singulari, ut offerre audeam confidenter, quod offerre exquisiti beneficii babendum loco est) offeram, inquam, & quartum, quem brevi me in lucem emissurum spero. Erit autem quartus liber de iudiciis criminalibus; tertius hic civilia iudicia complectitur. Evidem eorum ordinem, rationemque explicavi, qualis à Jure Canonico constituta est, & qualis in Foro viget; indicavi ea, in quibus Jus Canonicum à civili discrepat, itemque ea, quæ nunc obsoleverunt; aliquas etiam illustravi civiles leges, quas enucleatus explicandas putavi, quasque in primis ad propositum, & materiam suscepti operis pertinere animadvertis. Non enim quod te omni doctrina præstantem, Optime, Sapientissimeque Pontifex, minime fallit, recte cognosci res canonica, & percipi potest, nisi quis omnes habeat Juris civilis notos, & tractatos locos, nec qui tantum artis præcepta perceperunt, quicquam sine fori usu, & exercitatione consequi possunt; ut proinde mibi neque rem ipsam, neque suas vires satis aestimasse videantur, qui scribunt, Institutiones Juris Canonici, cum semper procul fuerint à pulvere, & acie forensi, neque unquam Jus civile didicerint.

Initium hujus libri feci titulum de judiciaria Ecclesiæ potestate, in quo quidem titulo paulo longiorrem me esse oportere existimavi, ut satisfacerem ratiunculis quorundam, qui cum Du-Pino, Bodino, Favretio, Giannonio, Van-Espenio, ceterisque

similibus antiquissima ætate Ecclesiam vera iudicia, qualia nobis sunt, exercuisse inficiantur. Ego do, & concedo libenter, ab Ecclesiæ iudicis abfuisse captiones illas, ambagesque forenses, quas civiles leges invenerant; sed in his profecto vis, & natura iudicij nequaquam inest. Ecclesia sine illis laqueis, & involucro solemnitatum, ac formularum celeriter iudicia expediebat, audito actore, & reo, utriusque expensis probationibus, lata demum absolutionis, aut condemnationis sententia, cui litigantes, vel inviti parere cogebantur. An non hoc verum iudicium est, an non in iudice, qui imperio utitur in repugnantes, vera potestas, & iurisdictio? Titulum etiam de appellationibus paulo longius producendum putavi, ut jus earum in primatu, quem à Deo accepisti, penitus insitum, & affixum adversus invidos vituperatores Sedis Apostolicæ vindicarem. Quia in re mihi maximæ agendæ, & habendæ sunt gratiæ Cl. Viro, qui totam hanc tractationem de appellationibus ad Sedem Apostolicam, quam litteris mandavi hoc tertio Institutionum libro, in Germania typis evulgavit *, ut refelleret Scriptorem quemdam Historiæ appellationum in tribunalibus ecclesiasticis, qui jura certissima Sedis Apostolicæ audacter, & imperite in discrimen revocaverat. Fecit id quidem ille gratia, & benevolentia in me sua, non merito aliquo meo, ut

* Edita est hæc tractatio in Germania anno 1789. cum titulo: De appellationibus in ecclesiasticis tribunaliis genuinum systema compendiōse excerptum ex pretiosissimo quodam opere non ita pridem vulgato, quo retunditur cacohetes novitii Auctoris Historiæ appellationum in tribunalibus ecclesiasticis pro dilucidatione, articuli XXII. Congressus Emsensis nuper Bonnensibus typis, Francforti nomine ementito editæ.

penues labores tam gravi , tamque exquisito iudicio
comprobaret ; sed ego in illo majorum vigiliarum
opere , quo complectar , si vita , viresque suppetant ,
rem Canonicam universam , totum hoc argumentum
plenus , & uberior explicabo. Interim his Institu-
tionibus ea collegi , que præsertim bene cognita , &
comporta esse oportere existimavi , atque in iis pau-
lo longiori sum usus oratione , ut mature discant a-
dolescentes jura Ecclesiæ , ejusque Capitis Romani
Pontificis , cunctisque instructi præsidiis in ipso in-
gressu studiorum suorum pro iis propugnare virili-
ter assuescant ; quod me efficere non posse intelle-
xi , si jejune , & exiliter de his rebus disputarem.
Eadem hæc causa est , propter quam superioribus
quoque libris locos quosdam Juris Canonici plenus ,
& uberior pertractandos existimavi ; sed caute ta-
men in notas conjeci quidquid Institutionum sobrie-
tati non satis apte congruere videbatur. Ipsa bac
methodo , & ratione Petrus Leopoldus Guadagnius ,
qui non multis ab hinc annis cessit è vita , Juris
civilis Institutiones tradidit , quam utinam absolvis-
set ! nihil jam esset amplius , quod in hoc genere de-
sideraremus.

Hoc mibi unum optandum maxime restat , idque
à tua plæclara , & excellenti natura magnopere ex-
petendum est , ut quemadmodum eo me hactenus ho-
nore dignatus es , ut labores meos non improbares ,
ita pari bonitate , benignitate , clementia tertium
hunc accipias librum , quem iterum valde auctum ,
& amplificatum in lucem emitto. Judicium tuum non
tantum quod es Summus Pontifex , sed quod talis es
Pontifex , qualem te omnes admirantur , tantum , ac
tam præclarum est , ut majus , atque præclarius esse
non possit. Ac tu quidem nunc etiam in maximis oc-
cupationibus , quibus distensus es , atque in hac ex-
ce'sa , cæloque proxima. Dignitate fere quotidie re-

fers animum ad studia litterarum , & in illa tua
optimis referta libris Bibliotheca versaris , & scri-
bis litteras , præsertim cum res Ecclesiæ postulant ,
quas equidem legens (legi autem sæpius , eæque mihi
in his Institutionibus magno adjumento fuerunt) mihi
videor audire loquentes Leonem , & Gregorium Mag-
nos , quorum ut pietatem in Deum , ita doctrinam ,
atque sapientiam imitaris. Itaque hoc perpetuo tuo
vitæ instituto effecisti , ut omnes intelligerent , quam
scienter , egregie , perite , simul & illa optima stu-
dia exerceas , & populis imperes , & Ecclesiam mo-
dereris. Quarum quidem rerum omnium ubique sunt
monumenta non impressa leviter ad exigui prædic-
tionem temporis , sed fixa ad memoriam hominum
sempiternam. Ea qui intuentur (intuentur autem , &
admirantur omnes) maximas agunt habentque gra-
tias immortali , ac præpotenti Deo , qui tam bene
Ecclesiæ suæ , humanoque generi consuluit , cum in
hac rerum perturbatione Te , Pie Sexte , Vicarium
inter homines constituit , ut malis omnibus tua in-
se ipsum fides , consilium , fortitudo , constantia me-
deretur. His porro armis , non illis , quæ sunt vas-
tatis , cædisque sociæ , Transalpinum illud malum ,
quod jam undique serpebat , propulsasti , & amorem
auxisti popolorum , quos imperio regis , atque admira-
tionem Orbis terrarum universi. Sed ut hoc pla-
cuit Deo , quo volente , aut saltem permittente ge-
runtur ea , quorum nostrum non est scrutari causas ,
ut nobis adversa illa evenirent , sic eidem placebit ,
ut Christianæ Reipublicæ dignitatem tua virtus , &
sapientia in veterem integritatem , splendoremque
restituat , nosque à summis erunnis , & difficulta-
tibus ereptos ad summam tranquillitatem , felicita-
temque traducat.

APPROBATIONES

secundæ editioni redditæ.

Postquam de personis egit, ac de rebus ecclesiasticis Cl. Ananensis Antistes, ad judicia se convertit in tertio hoc *Institutionum Canonicarum* volumine; & rem universam ita tractat, ut nec elegantiam, & ordinem copia, nec brevitas perspicuitatem desiderare faciat. Quæ autem accesserunt in altera hujus Operis editione novis Cl. Auctoris curis, vehementer probo. Dabam ex Magna Curia Innocentiana IX. Kal. Majas Anni MDCCXCIII.

N. Riganti Majoris Præsidentie Abbr.
& Acc. in Civilibus Locumtenens.

Tertium Canonicarum *Institutionum* volumen clarissimi Scriptoris sapienti manu expolitum novis divulgari typis non utile modo, sed ob aliorum exemplarium defectum cum primis arbitror necessarium. Dabam Romæ ex Collegio Germanico IV. Nonas Aprilis MDCCXCIII.

J. Castillioneus Proton. Apost. Apostolicæ Pénit.
Litterarum Corrector, & S. Congr. Boni Regi-
minis à Secretis.

Novæ adjectiones, quibus tertium hoc volumen *Institutionum Canonicarum* V. Cl. Joannis Devoti, Episcopi Ananiensis auctum est, non ita copiose, attamen utilissimæ mihi attente legenti visæ sunt: quare eas probatissimo jam operi insertas, ut ab iis, quorum hujusmodi curatio est, Romanis formis evulgandi potestas fiat, e ratio esse censeo. Dabam Romæ XII. Kal. Majas anni MDCCXCIII.

D. Coppola Proton. Apostolicus, & S. Rit. C.
Secretarius.

LIBER III.

TITULUS I.

De Judiciaria Ecclesiæ Potestate.

- I. Omnis bene constituta res publica suos habet magistratus cum imperio, & jurisdictione.
- II. Ecclesia distincta est à civili republica, quæ suos habet cum imperio, & jurisdictione magistratus.
- III. Potestas judiciaria pars est hujus imperii, & jurisdictionis.
- IV. Eam habet Ecclesia non hominum beneficio, sed suo imperio, & jurisdictioni coherentem.
- V. Judiciaria potestas vel in personas, vel in res, quæ ad rem publicam pertinent.
- VI. In quibus æqua sit ecclesiastica, civilisque reipublicæ conditio; in quibus hac ab illa differat?
- VII. & VIII. Potestas à Christo Ecclesiæ data tum in interiori, tum in exteriori foro.
- IX. Locus Joannis, & Lucæ expenditur.
- X. & XI. Potestas, quam Apostoli exercuerunt.
- XII. Paulus ecclesiasticum iudicium expresse memorat.
- XIII. & XIV. Apostolorum Successores, Ethnicis domi-

nantibus, non solum in interiori, sed etiam in exteriori foro judicia exercuerunt.

XV. & XVI. Atque hi quidem veri judices erant, non arbitri litigantium voluntate electi.

XVII. & XVIII. Eorum iudicis nihil deerat, quod verum, perfectumque iudicium requirit.

XIX. Concordia Sacerdotii, & Imperii sub Christianis Imperatoribus.

XX. Utriusque Potestatis regimen, & administratio.

XXI. Ecclesiæ coercitio.

XXII. Judicia Ecclesiæ sub Christianis Imperatoribus.

XXIII. Leges Principum Christianorum de clericorum causis tantum ab ecclesiasticis judicandis.

XXIV. Civiles quoque laicorum controversias Episcopi judicarunt; verum ex voluntate litigantium.

XXV. Cur ecclesiasticum iudicium sæpe à forensi distinguatur?

XXVI. Ordo judiciorum à Jure Canonico constitutus etiam in foro civili receptus.